



<County: Yorkshire North Riding>  
<Code: L0190>  
<MS reference: London, BL Add. 30358>  
<Text: Northern Homily Collection>

<Tranche 1>

<fol. 3r>y<sup>t</sup> mad all y<sup>is</sup> warld of noght .  
And man~kynde on~ rode boght .  
Y<sup>e</sup> fowr~ gospels vs schews .  
Crystes dedes & hys swa saws .  
All yere fowr~ a tale yai tell .  
Bot ser~ saws er in yer spell .  
& in yer spell in kyrk at messe .  
Er lesons redd bath mar~ & lesse .  
For at euer ilk messe we rede .  
Of Crystes prechyng & hys dede .  
Foryi yas gospels y<sup>t</sup> all-wayss .  
Er redd in kyrk on~ sonndayse .  
On~ jnglyss now wyll j vndo .  
yf god wyll gyf me grace yer-to  
For namly on~ y<sup>e</sup> sonnday .  
Coms lewd men~ yer bedes to say .  
To y<sup>e</sup> kyrk & for to ler~  
Gastly lar~ at yai yer her~  
For als grete myster haf yai  
To wytt what y<sup>e</sup> gospels wyll say .  
Als lerd men~ . for bath war boght  
w<sup>t</sup> Crystes blude . & sall be broght  
Tyll heuyn~ blyss-full menskfully  
yf yai do wele & be worthy .  
For-yi wyll j on~ inglyss schaw .  
To ger y<sup>e</sup> lewde folk better knaw .  
What all yas gospels says  
y<sup>t</sup> fals to y<sup>e</sup> sonndays

y<sup>t</sup> yai may ler~ & hald in hart  
 Thyng y<sup>t</sup> yaim to gude may art  
 And forys at *oure* begynig  
 Pray we god of heuen~ kyng  
 Y<sup>t</sup> he help vs for to bryng  
 y<sup>is</sup> ilk werk to gude ending  
 & gyf me *grace* swa for-to make .  
 y<sup>is</sup> werk for lewde men~ sake .  
 y<sup>t</sup> j may haf for my deede  
 heuyn~ blyss to my mede .  
 & y<sup>t</sup> *oure* warkes be wyrchypp .  
 To god . y<sup>e</sup> fende to schendschypp .  
 Joy to Cryst & to angell .  
 All Crystyn~ folk to sall hele .  
 Y<sup>t</sup> it be so . says inwardly .  
 An pater noster & Aue mary .  
 <lat>**Explicit prologus** /</lat>  
 <fol. 3v><lat>**Incipit prima dominica . aduentus domini**</lat>  
 Tyll y<sup>e</sup> fulth of y<sup>e</sup> tyme was commyn~  
 Sathanas had all folk benommyn  
 For man~-kynde in *preson*~ he helde  
 w<sup>t</sup>-outen . <sup>[help]</sup> w<sup>t</sup>-outen~ belde .  
 Ay tyll god in Trinite .  
 Of man~-kynde had swylk pyte .  
 Y<sup>t</sup> he sent hys son~ to take .  
 Flesch & blod for mans sake .  
 For w<sup>t</sup>-outyn~ flesch & blode .  
 Myght he noght by apon~ y<sup>e</sup> rode .  
 Mankynd y<sup>t</sup> in flesch & fell .  
 was dampned to y<sup>e</sup> pyne of hell .  
 Foryi had god of man~ mercy .  
 y<sup>t</sup> was begyld+thurgh enmy .  
 Of sathanas y<sup>t</sup> thurgh lesyng .  
 Begyld Adam & hys ofspryng .  
 And gert man~-kynd ga tyll hell .  
 yar~ w<sup>t</sup>-owtyn~ end to dwell .  
 Jf it ne war~ y<sup>t</sup> god almyghty .  
 had sent hys son~ of hys mercy .  
 To 3elde for mans kynd rawnson~ .

And lesyd vs all owt of *preson*~ .  
 Goddes <sup>ˌ</sup><sub>[son~]</sub> & godes saande .  
 Come to lese<small i-like mark above first e> man-kynd of band  
 & was borne of y<sup>e</sup> maydyn~ mary  
 Man-kynd on~ y<sup>e</sup> Rode <sup>ˌ</sup><sub>[for]</sub> to by  
 And for-y<sup>i</sup> y<sup>t</sup> Cryst come vs to .  
 Oure aller *profett* for to do .  
 A moneth be-for~ hys byrth .  
 In haly kyrk w<sup>t</sup> menske & myrth .  
 J hald hym an ebre fole .  
 y<sup>t</sup> menskes noght hys byrth at 3ole  
 & yer-for~ at y<sup>t</sup> blstfull tyme .  
 When~ haly kyrk welcoms hym .  
 Wyll j begyn~ to make my spech  
 And of hys come somm thyng to tech  
 For Cristes come made endyng .  
 Of all oure sorow & oure <sup>ˌ</sup><sub>[mor]</sub>nyng . <first y looks like it has been changed from something else>  
 <lat></lat>  
 <lat></lat>  
 <fol. 4r>Saynt Mark begynnes yus hys gspell .  
 w<sup>t</sup> wordes y<sup>t</sup> J sall <incomplete w> 3ow tell .  
 And takes wyttness at j-say  
 y<sup>t</sup> spekes of cryst in *profecy* .  
 y<sup>is</sup> j-say spekes full euen~  
 In y<sup>e</sup> fader name of heuen~  
 Tyll <sup>ˌ</sup><sub>[crist]</sub> of saynt jone baptyst  
 y<sup>t</sup> bodword of hym broght vs fyrst  
 J send he sayde my mesengere  
 befor~ y<sup>i</sup> face y<sup>i</sup> word to ber~ .  
 y<sup>t</sup> sall grayth befor~ y<sup>e</sup> <sup>ˌ</sup><sub>[ye]</sub> way .  
 w<sup>t</sup> word y<sup>t</sup> he of me sall say .  
 Yer~ wordes says god almyghty .  
 Thurgh y<sup>e</sup> *profett* malachy .  
 And alsa spekes saynt ysay .  
 of saynt jone full opynly .  
 Yai schew bath . bott be ser~ lettre  
 foryi burd vs trow yaim y<sup>e</sup> bette .  
 Yai tald how saynt jone baptyst  
 Suld grayth y<sup>e</sup> gate be-for~ jhesu Cryst

For saynt jone was in wyldrenesse .  
 & baptyst folk in forgyfnesse .  
 Of yar~ syn~ & taght y<sup>e</sup> way .  
 Tyll .<sup>[ye]</sup> wardes blys y<sup>t</sup> lastes ay .  
 For mykyll folk of y<sup>t</sup> contre .  
 y<sup>t</sup> oure gspell cals jude .  
 & of *jerusalem* y<sup>t</sup> ryche Cyte .  
 Come tyll saynt jone baptyst to be .  
 yai sthraife yam of *yer* syns clene .  
 & saynt jone baptyst yam be dene  
 In strange penance hys lyfe he+led  
 w<sup>t</sup> Camell har~ yen~ was he cled .  
 Wod hony & frute he Ete  
 & taght ye folke *yer* syn to bete .  
 And sayd a strangar man~ yan~ j.  
 Aftyr me sall come in hy .  
 Y<sup>t</sup> es so menskefull & so mery .  
 y<sup>t</sup> j my self es noght worthy .  
 To lese ye thwanges of hys schone .  
 Sa mykyll gude b<ill><1 letter></ill>se thurgh *hym* done  
 For j in *water* hafe baptyst 3ow .  
 Bot in *hym* agh 3e all to trow .  
 <fol. 4v>For he sall w<sup>t</sup> y<sup>e</sup> haly gaste .  
 Baptys 3ow & 3oure syns waste .  
 y<sup>is</sup> es y<sup>e</sup> strenght of oure gspell .  
 Als man~ w<sup>t</sup> Jnglys tong may tell .  
 ¶ In y<sup>is</sup> gspell alls thynk me .  
 twa thynges may we gastly se  
 y<sup>e</sup> fyrst es wyrchyp & louynge  
 y<sup>t</sup> fals wele tyll a m.<sup>[y]</sup><ill><1 letter></ill>ty kynge .  
 y<sup>t</sup> mesanger~ of *hym* gan~ brynge .  
 Ay tyll he come tyll hys bygyng<1st y written on top of e>  
 ¶ Y<sup>e</sup> toyer thyng y<sup>t</sup> we may se  
 In oure gspell als thyk me .  
 Yan~ es y<sup>e</sup> grete worthynesse .  
 Of *prechour*~ y<sup>t</sup> bers wytnesse .  
 Of *hym* to com & makes itt kouth .  
 w<sup>t</sup> word y<sup>t</sup> coms out of *yer* mouth .  
 Foryi er yai cristes mesangeres .

Tyll all y<sup>t</sup> yer sermon~ .<sup>[wil]</sup> hers<s written on top of an end flourish>.  
 Yai tell y<sup>e</sup> folk on~ qwat maner~  
 y<sup>t</sup> man~--kynd was to god so der~  
 Y<sup>t</sup> he sent hys son~ vs to .  
 Oure aller profett for~+to do .  
 Y<sup>t</sup> was sent <sup>[to]</sup> dy for vs .  
 For-y<sup>i</sup> burd vs in hys comyng  
 welcom~ hym als worthy kyng  
 For in haly buk fynd we .  
 Of *cristes* come . comynges thre .  
 ¶ y<sup>e</sup> fyrst es when~ he come to take .  
 Flesch & blod for mans sake .  
 He lyghtyd doune full mekly .  
 Jn-to yis mayden~ wome Mary .  
 And schop hym body of hyr+flesch .  
 And dubbed hym w<sup>t</sup> oure lyknes .  
 And welk in werld als erdly man~ .  
 Bot synless her~ was he all ane .  
 W<sup>t</sup> oure lykness begyld he .  
 y<sup>e</sup> fend . y<sup>t</sup> hys mankynd myght se .  
 Bot *pride* made y<sup>e</sup> fend so blynd .  
 y<sup>t</sup> hys godhede myght he noght fynd .  
 <fol. 5r>He wend y<sup>t</sup> cryst war~ noght bot man~  
 And thurgh hys godhede was he tan~  
 Cristes godhede y<sup>e</sup> fend toke .  
 Als fysch es takyn~ w<sup>t</sup> bayte or hoke .  
 For hys godhed in flesch was hydd  
 Als hoke in bayte & y<sup>t</sup> god kydd  
 Y<sup>e</sup> fend y<sup>t</sup> gyled *oure* fader Adam  
 he broght man~--kynd in mykyll blame .  
 Had sathanas wyttten~ wytterly .  
 y<sup>t</sup> Cryst had bene god almyghty .  
 For all yis werld he had noght gert .  
 y<sup>e</sup> Jewes haf stanged hym to y<sup>e</sup> hert .  
 Bot for he sagh hym noght bot man~  
 Godhed in hym he wend war~ nane .  
 Foryi he fandyd hym styfly .  
 To draw hym in tyll hys baly .  
 He wend wele w<sup>t</sup> hym to far~

Als he had done w<sup>t</sup> oyer ar~  
 when~ Cryst swelt opon~ y<sup>e</sup> tre .  
 hys sall . g.<sup>[a]</sup>rene aspyed he .  
 Yf he myght se or fynd yer-in  
 Any fylth or wem of syn~ .  
 And for he fand yer-in ryght nane .  
 Als fysch w<sup>t</sup> hok was he tane .  
 Y<sup>e</sup> fendes myght y<sup>t</sup> was full styth .  
 y<sup>t</sup> he was wont befor~ to kyth .  
 Was all takyn~ in Crystes hand .  
 y<sup>t</sup> hym swa hard in hell band .  
 Y<sup>t</sup> neuer mar~ sall he wend .  
 Out of hell bot ay yer send  
 & Cryst rest hym yen~ many ane .  
 y<sup>t</sup> he befor~ fra Cryst had tane .  
 Bot sone when~ Cryst on~ rod vs boght .  
 He heryed hell & hys out soght .  
 And broght all yas y<sup>t</sup> war~ hys .  
 Menskfully vn~-tyll hys blys .  
 Hys godhede & hys sall samen~ .  
 Broght yaim fro pyne to gamen~ .  
 <fol. 5v>Now se 3e why . & for whas sak .  
 Cryst come tyll vs oure kynd to tak .  
 ¶ Hys fyrst come was bodely .  
 Bot ane oyer was gastly .  
 Y<sup>t</sup> es when~ Cryst gyfues vs wyll .  
 hys commaundmentes to fullfyll .  
 For als sone as we has wyll we.<sup>[1]</sup>le to do .  
 All y<sup>t</sup> y<sup>e</sup> prechoure says vs to .  
 & settes oure hartes in charyte .  
 forsoth full sykyr may we be .  
 Y<sup>t</sup> Cryst es comen~ vs vn~-tyll .  
 Of gastly gudes vs to fullfyll .

## <Tranche 2>

<fol. 10r>And prayed god garne of hys mercy  
 y<sup>t</sup> he suld schew hym opinly .  
 Owyer slepand ƥ or wakand .

of hys felagh sum~ tythand .  
 And als he lay opon~ a nyght  
 hys felaw come w<sup>t</sup> lemes lyght .  
 & tald bath of heuen~ & hell  
 & he prayd hym he suld hym tell .  
 Hys state & he sayd wele far~ j .  
 Thurgh y<sup>e</sup> help of our~ lady .  
 Warn scho had bene j had gane .  
 To won~ in hell w<sup>t</sup> sathane .  
 Hys felaw thoght her~-of ferly .  
 And asked hym whar~-for~ & why  
 And sayd we wend wele y<sup>t</sup> yow .  
 had bene a haly man~ tyll now .  
 How sall itt far~ of vs caytyfs .  
 y<sup>t</sup> euer in syn~ & foly lyfs .  
 When y<sup>u</sup> y<sup>t</sup> led so haly lyfe .  
 was dampned tyll hell for+to dryfe .  
 When~ yis was sayd y<sup>e</sup> dede ansard  
 & told hys felaw how he fard .  
 Als sone as j gaf y<sup>e</sup> gast .  
 To my dome was j lod in hast  
 And als j stod my dome to her~ .  
 Befor~ oure lord w<sup>t</sup> drery cher~ .  
 Of feendes hard j many vpbrayde .  
 A buk was yan~ be-for~ me layde .  
 Y<sup>t</sup> was y<sup>e</sup> rewle of saynt benett  
 y<sup>e</sup> whylk j heght tyll hald & kept  
 Y<sup>is</sup> rewle yai gart me rathly rede .  
 And als j red sar~ gon~ j drede .  
 For ouerloup myght j mak yer nane .  
 bot of y<sup>e</sup> rewles euer ilk ane .  
 3eild<?> a-count how j yaim held  
 And my wytt a-gayne me melled .  
 Y<sup>t</sup> schewe yer full opynly .  
 y<sup>t</sup> j my lyf led wrangwysly .  
 For in y<sup>s</sup> rewle er many a pase .  
 y<sup>t</sup> agayns my lyfyng wase .  
 <fol. 10v>whar~-thurgh j had almost yar~ .  
 Bene dampned to hell for-euer-mar~ .

Bot for j lufd wele *oure* lady .  
 whyls j lyfyd . j had foryi .  
 Gud help yar~ thurgh hyr *mercy* .  
 For scho be-soght Cryst inwardly .  
 Y<sup>t</sup> j myght turne to *purgatory* .  
 yar~ to clens me of my folý .  
 Yer-for~ J hope to far~ full wele .  
 For my sorow sall sone kele .  
 Foryi my freend j pray itt y<sup>e</sup> .  
 y<sup>u</sup> gar~ my felaws pray for me .  
 When~ y<sup>is</sup> was sa<sup>[i]</sup>de away he wentt .  
 & hys felaw full mykle hym mentt .  
 And aftyr yis syght many a day .  
 Gert he for hys sall pray .  
 Y<sup>is</sup> tale haf j tald to 3ow  
 To schew on~ what maner~ & how .  
 We sall be demed & 3eld a-counte .  
 what all *oure* lyfytme may amownte  
 For ya-r~<an i scratched out at the place of the hyphen> sall be knawen~ j-wys .  
 All thyng y<sup>t</sup> her~ mystakyn~ es .  
 Be y<sup>e</sup> leest euyl thought .  
 For ya-r~<an i scratched out at the place of the hyphen> forgetyn~ bese ryght noght  
 Yan~ sall we by yeir syns der~  
 <add>of</add> whylk we er ~~vnschren~~ vnschreuen~ her~  
 Her~-of *oure* synnes yf we be schryuen~  
 yan~ hase god .<sup>[us]</sup> all forgyfen~  
 Foryi burd vs all *oure* synnes bette .  
 w<sup>t</sup> schryft of mowth & hartly grete .  
 For schryft of mowth es medycyn~ .  
 y<sup>t</sup> scheldes man~ fro hell pyne .  
 For yf we clenly schryfe vs her~ .  
 & worthy penawnse tak w<sup>t</sup> gude cher~ .  
 We may be sekyr on~ domysday .  
 To wende to y<sup>t</sup> blyssed play .  
 Yer Cryst sall euer mar~ be kynge .  
 for hys *mercy* .<sup>[he]</sup> vs yedyr brynge . . Amen .  
 <lat></lat>  
 <lat></lat>  
 Saynt Mathew ye euangylist .

Sayse y<sup>t</sup> saynt jon~ y<sup>e</sup> Baptist .  
 <fol. 11r>Was in *preson*~ & hard tell .  
 Of Cryst dedes & hys spell .  
 & sent of hys dyscypyls twa .  
 & bad y<sup>t</sup> yai suld fast ga .  
 & wytt of Crist whed<sup>ur</sup> it war he .  
 y<sup>t</sup> suld com~ mans bote to be .  
 Or we ane oyer Crist sall abyde .  
 y<sup>t</sup> fell may y<sup>e</sup> feendes pryde .  
 Saynt jon~ dysciples 3ode & sayde .  
 y<sup>e</sup> erand y<sup>t</sup> was on~ yaim layde .  
 & when~ Crist yair~ askyng hard .  
 full myldly to yaim he answard .  
 & bad tyll yair~ mayster schaw .  
 hys deedes y<sup>t</sup> yai hard & saw  
 Alsswa .<sup>[say]</sup> deedes beres wyttnes .  
 Of me y<sup>t</sup> j sothfast god es .  
 J gyf he sayd y<sup>e</sup> blynd yer syght .  
 J gar y<sup>e</sup> halt men~ gang vpryght .  
 J mak he .<sup>[said]</sup> lepres hale .  
 & defe men~ j bete yer bale .  
 J rayse men~ fra dede to lyfe  
 & pur~ men makes me full ryfe .  
 And full blyssed he sayd es he .  
 Y<sup>t</sup> es noght her~ sclaudred in me  
 Alsswa say y<sup>e</sup> jewes hase nyth  
 at me for ferles y<sup>t</sup> j kyth .  
 Foryi er yai sclaudred in me .  
 when~ yai noght of my godhed se .  
 And yer-for~ blyss . j hym w<sup>t</sup> grace .  
 y<sup>t</sup> folowe noght y<sup>e</sup> jewes trase .  
 Swylk wordes to yaim spak Cryst .  
 yat come fro saynt jon~ Baptist .  
 And when~ yai had hard *crist* saw  
 Tylward saynt jon~ fast gon~ yai draw .  
 And yai toward saynt jon~ 3ode  
 Crist spak to yaim y<sup>t</sup> by hym stode .  
 For yai had bene saynt jon~ to se .  
 Jn wyldyrnes for yair~ wond he .

Be-for~ y<sup>t</sup> herode y<sup>t</sup> fals feloune .  
 had done saynt jon~ in hys *presone* .  
 Yer-for~ Crist asked bath mar~ & less  
 what thyng yai soght in wyldyrness .  
 qwat thyng he sayd yeid ye  
 Into wyldirnes for to se  
 <fol. 11v>Wend 3e of saynt jon~ forto fynd .  
 A rede y<sup>t</sup> waynes w<sup>t</sup> y<sup>e</sup> wynd .  
 Als swa say he es nane of ya .  
 y<sup>t</sup> waynes for welth ne 3it for wa  
 For warl*des* welth & warl*des* wyn  
 y<sup>t</sup> makes worldly men~ full blynd  
 For welth of y<sup>e</sup> world to *pride* vs drawes .  
 & wa makes many to thole hard trawes  
 Be-twyx yer~ twa we hyld als re<add>i</add>de .  
 jn wa we morne . in welth we we<add>i</add>de .  
 O-gayns yier+twā saynt jon~ stode .  
 Newdyr of yaim myght chaung hys mode .  
 Yerfor~ Crist askyd wheyir men~ hym soght  
 Als he war~ man~ flakyrand of floght  
 Als-sa say wene 3e y<sup>t</sup> he .  
 Be als twyfald of hart as 3e  
 Nay for he es so stedfast .  
 yer may no wynd hym fro me cast .  
 Swylk worl*des* als j 3ow tell .  
 Says Cryst to-day in *oure* gospels .  
 Of saynt jon~ y<sup>t</sup> styfly stode .  
 A-gayn~ y<sup>e</sup> fandying of warld lyflod  
 For he was neu*er* lyk in dehyde .  
 To yaim y<sup>t</sup> heldes als dos . [ye] rede .  
 For yai may wele lykynd be .  
 To y<sup>e</sup> reede as thynk me .  
 Y<sup>t</sup> es to say yer~ lofyngers .  
 y<sup>t</sup> in y<sup>e</sup> ta hand fyr~ bers .  
 And in y<sup>e</sup> toyer hand . [watir] ber~ yai.  
 Als lewde men~ er wont to say .  
 Y<sup>e</sup> tane kyndels w<sup>t</sup> bakbytyng .  
 y<sup>e</sup> toyer yai sloken~ w<sup>t</sup> juggylyng .  
 Yai held in twyn~ als dose y<sup>e</sup> reide .

w<sup>t</sup> fals speche & fals deide  
 yai mak yer~ myghty men~ myss-do  
 For all yair~ wyll yai spek yaim to  
 For wheyir so yai do wele or ill .  
 yai hald w<sup>t</sup> yaim & says yair~ wyll .  
 Myrth & mede . and . warlees beild  
 Gars yaim als .<sup>[ye]</sup> rede for falshede held  
 <fol. 12r>Bot so dyd noght saynt jon~ j-wysse .  
 Bot snybbed herod when~ he dyd mysse .  
 & sayde itt wasse a-gayns y<sup>e</sup> law .  
 hys broyir wyf fleschly to know .  
 He heyldyd noght bot styfly stode  
 & for hys soth saw sched hys blode .  
 ¶ In stede of tale j wyll 3ow tell .  
 how it of hys slaghtyr .<sup>[be-]</sup>fell .  
 Kyng herode w<sup>t</sup> mykyll vnryght .  
 Reft hys broyer .<sup>[his]</sup> wyf y<sup>t</sup> hyght .  
 Herodias & saynt jon~ hard .  
 w<sup>t</sup> what kyn~ syn~kyng herode ferd .  
 Swyth he snybbyd hym of hys syn~ .  
 & bad he suld of y<sup>t</sup> deyde blyn~ .  
 Whar~for~ herode als feloun  
 Herodias y<sup>t</sup> wykyd woman~ .  
 Couayte garn~ haf saynt jon~ slayn .  
 He marred hyr of hyr fleschly ~~syn~~ lykyng  
 yerfor~ scho thocht to dede hym brynge  
 Bot cheso~ tyll hym had scho nane .  
 Foryi herode y<sup>t</sup> had hym tane .  
 Sagh he was a haly man~  
 hym thocht full lath to be hys bane .  
 Foryi of saynt jon~ .<sup>[stod]</sup> hym agh .  
 Bot mykle y<sup>e</sup> lesse for hys sagh .  
 Herode hys wordes hard w<sup>t</sup> gude wyll .  
 & ~~dyd~~ mykle y<sup>t</sup> he sayde hym tyll .  
 Herode made a feest & kalled .  
 Prynces yer-to & kynges bald .  
 And als he w<sup>t</sup> hys gestes sete .  
 & made yaim glad y<sup>t</sup> drank & ete .  
 Befor~ yaim come a mayden~ schene .

was herodias doghter as j wene .  
 & tombled so wele be-for~ yaim all .  
 y<sup>t</sup> all y<sup>t</sup> satt samen~ in y<sup>t</sup> hall  
 War~ wele payd of hyr play .  
 And herode self gan~ tyll say .  
 whatt summ you wyll ask of me .  
 Full frely sall j *graunte* it ye .  
 He swar~ ane ath he suld full-fyll .  
 All hyr askyng an hyr wyll .  
 <fol. 12v>Jf y<sup>u</sup> ask y<sup>e</sup> halfen dele .  
 Of my kyng-dome j *graunt* at wele .  
 Yis may ran~ tyll hyr moder swyth  
 & bad hyr y<sup>t</sup> scho suld hyr lythe  
 What y<sup>e</sup> kyng hyr had bed .  
 & askyd hyr modyr what scho red .  
 Hyr moder was fayne when~ scho it hard .  
 & tyll hyr doghter sone answard .  
 & sayd luk y<sup>u</sup> ask ryght noght .  
 Bot saynt jon~ hede be tyll y<sup>e</sup> broght  
 Sone in a dysch forth befor~ y<sup>e</sup> .  
 For y<sup>t</sup> thyng wold j gladly se .  
 Yis mayden~ ran~ vn~-to y<sup>e</sup> kyng .  
 & sayd syr <sup>^</sup>[yis] es myne askyng .  
 yf y<sup>u</sup> wyll at it be done .  
*Graunt* me myne askyng sone